

國民

甕安縣志

國民

甕安縣志

國民

甕安縣志

民國·李退谷 修 朱勛 纂

民國四年貴陽文通書局鉛印本 二十一
卷(缺第十八卷)

序

天下只一宅之勢未度可更其規
模陳然不可改三代以後廢書建
為郡縣至今之一邑古之一國一
邑之所司一國之具其精神之
所繫固不啻而民安年者也獨是

甌安縣志

序

古者諸侯各專其地多子多民
設官分職而國同休於是官太史
之官世守其職書一國之治亂興
衰典其文而以及里巷歌謠傳之
無害後世郡縣無史官之設凡
一邑之要政而夫山川風土人情之細

咸記之於方志而必待人而後行

或數十年而一舉數百年而一
舉其多時會多此為耳瓊邑
自的季政士設縣開創之初縣
即濶自不聞記載及清乾隆正
三年刻令尹韓瑛始修縣志八

甌安縣志

序

卷直至今日垂二百年無繼之
者方清之末進官茲土者多有
志於斯率因缺絀不果民國二
年卜走承乏來此正當國體交革
之後棄職不肖散失殆考是邦
舊典而所遺韓志八卷又早已

隻字無存矣私哀狀之類絕業
若無人勝任編纂三年春色紳
前貴州民政司正長朱一清先生
適返里居抗恒里古之河以孫志
之沈沒為憾相商確毅然自
任為首藉之修一切捐除而獨奏

紙墨剝削之費控下走此固數百
幸之曠舉所難夕為恆者也故不
盡力乃枉為仲設局開辦焉焉
宜經費既乏而庫銀窘既乏必
帑提注必款頭會集歛又恐驚
擾市民乃擇其稍之殷實壯勸

之樂輸且先捐貲以為之倡耳叔
居進王冬十一月始有成數而全
書亦於是步錄計為時一閱月耳
自來修志無如是之速者今如付
手氏下走之調任石好首途在即
謹序其款末如此去以茲孫之沒

應三百年而孫志僅之兩也且
前志業已失亡而今志亦屬議屬
罷必俟先生兩下走適就相值
志同道合而後勉勉以奏其功信
乎事之待人而以下走之為僕斯
願良能保然其敢以此自為功耶

至是為志綱羅廣商詳審精密極
 搜名剔辭之較而於治乳與
 哀之教尤不禁再三往復論文
 咸謂抉摘至所以然多由於古者
 國史之遺意此邦人士所宜知
 蓋不獨邦人士所宜知者也

夔安縣志

序

調石阡孫知事現任夔安縣
 知事榮江李退谷序

大中華民國四年乙卯孟春書

夔安縣志纂輯銜名

鑒定

貴州巡按使

龍建章

總理

貴州夔安縣知事

李退谷

纂修

前貴州民政司正長

朱勛

分纂

前清湖南試用縣丞

胡國隆

前清候選訓導

商廷楠

夔安縣志

銜名

前清夔安縣附學生

袁少奎

經理

前清平越直隸州拔貢

朱勛

庶務

前清平越直隸州附學生

李學源

前清平越直隸州附學生

宋維清

採訪

前清夔安縣歲貢生

袁國勛

前清平越直隸州恩貢生

黃金鑑

前清夔安縣恩貢生

鄧國瑜

甕安縣志

銜第

二

貴陽文通書局代印

前清甕安縣歲貢生

李賢書

前清甕安縣廩生

胡家春

前清甕安縣附學生

徐承堃

前清平越直隸州附學生

陳怡

前清甕安縣廩膳生

商樹德

前清甕安縣附學生

戎作英

前清甕安縣附學生

商文鈺

前清平越直隸州學武生

商文敏

前清甕安縣廩膳生

張廷賓

前清平越直隸州歲貢生

王承鏞

前清候選布理問

傅明昭

校勘

前貴州模範監獄守衛長

冷祥霖

前清候選府經歷

韓汝辰

前清候選縣丞

劉昌奎

繕寫

前清雲南新平縣典史

吳湘

前清甕安縣戶曹候選典史

劉有餘

甕安縣志目次

卷一

輿圖

卷二

疆域
形勝附

卷三

紀年上 紀年中 紀年下

卷四

城池
村市 關梁 郵傳附

卷五

甕安縣志

目次

一

貴陽文通書局代印

公署
壇廟 寺觀 名勝 坊表 古蹟 邱墓附

卷六

山川
水道考附

卷七

氣候

卷八

祥異

卷九

戶口
風俗 方言 苗蠻附

卷十

職官

卷十一

學校 學產附

卷十二

科貢

卷十三

典禮 褒揚條例附

卷十四

農業 蠶桑 木棉附

卷十五

甌安縣志

目次

二

貴陽文通書局代印

田賦 徭役 權估 經費附

卷十六

積貯

卷十七

土官

卷十八

軍制

卷十九

列傳

名宦

儒林

孝友

賢能 官蹟附

武功

忠節

節孝 烈婦 孝婦 淑媛 貞女 烈女 義婢附

行義

文苑

隱逸

寓賢

甌安縣志

目次

三

貴陽文通書局代印

耆壽

卷二十

藝文上

賦

詩

藝文下


啟

議

書

序

瓊



記 論 辨 墓志銘 跋 卷二十一 雜記 自敘

甯安縣志

目次

四

貴陽文通書局代印

甯安縣志卷一

輿圖

圖與表。皆史之要也。凡稱一事而系統代嬗。楮墨不能簡括者。則表以明之。凡指一物而形勢曲折。文辭不能刻畫者。則圖以示之。古人讀書。左圖右史。詎不重歟。自司馬遷作史記。詳於表而略於圖。其後班固收書。又不知收圖。而此道遂廢。鄭樵生千載後。發明其義。特著圖譜一篇。以輔七略四部之不逮。學者稍稍知所關係。然不能人具此識也。語其小者。則罇罍爵斚之微。多難舉似。語其大者。則山河疆理之要。概屬茫然。一有譌誤。往往聚鐵鑄錯。失敗無

甯安縣志

卷一 輿圖

貴陽文通書局代印

窮。論者輒口誅筆伐以隨其後。不知皆圖學不明之咎也。今欲明其學而得其用。則莫如自方志始。夫周禮大司徒之職。以天下土地之圖。周知九州地域廣輪之數。因其山林川澤之異。動毛植羸。爲之講求。恐其或有遺忘也。又設土訓之官。掌道地圖。道地慝。巡狩則夾王車以備顧問。此勤民之至者也。後世變故日棘。養民之政。不遑講求。兵家者流。輒思盡關河阨塞之要。以完國防而窺敵境。使方寸之地。聚米畫灰。虜在吾目。於是籌筆之驛。籌邊之樓。並垂不朽。降及今世。測繪之學愈精。成敗之爭愈烈。雖曰殘民以逞。而國家興亡。恆用以之。至於從容壇坫。折衝尊俎。尤

須憑藉。都此數者。其於方志。均有深賴。方志先詳。且處處俱詳。按籍而稽。其施曲當矣。獲邑深居腹地。號爲輿區。農功素業。兵事或輕。然推表疆索。徵引版籍。史之職也。藻繪山川。標識邊鄙。史所重也。且纂修志乘。而不先明其方隅。徒與之談天道古。是使學者冥行植埴。俛俛失所之也。因仿古人圖經之例。特揭一縣之全。而以輿圖冠其首。

獲安縣志卷二

疆域形勝附

古者建國。皆計方里。其最大者。乃至於百。都會四出。無過五十。故政令易行。教化易敷。實業易興。訟獄易滋。逐捕易得。故三代盛時。不聞有違令梗化之事。而覘國者。乃可以田疇易否。決其治忽。卽當衰世。亦不過君弱臣強。漸移九鼎。未聞有盜賊繁滋。上戕君父。如後日亡國之慘者。秦廢井田。改郡縣。治理無法。乃致以揭竿起事。覆其宗社。後世因之。一縣之大。等於王畿。縣令稍無方略。卽鞭策不到。一切行政。皆與三代相反。而最受其敝者。尤莫如藏奸伏莽。

獲安縣志

往往釀小成大。或致數省被兵。久而後滅。或竟全國糜爛。遂殄其祀。世儒不察。乃謂天下治日少而亂日多。若氣數當然。豈不偵歟。獲安未縣以前。隸屬遵義。既縣以後。隸屬平越。今則脫離關係。直屬於巡按使矣。稽其疆域。東西南北。約數百里。其華離甌脫。尤出情理之外。亦巨縣也。涖茲土者。非憂勤惕厲。聚精會神。保毋亦捉襟見肘。蹈前人之覆轍乎。若夫整齊而經理之。使敷治者易於奏功。以復三代之盛。則在宰割天下者之毅然斷制。亦記事者之所願也。

獲安縣轄境

在省城東二百四十里東至馬鬃嶺交黃平縣界六十里南至牛場前之牛王廟與平越縣屬之嶺隆橋分界五十里西至界牌關交紫江縣界九十里北至流水溪交湄潭縣界一百四十里東南至尖坡下堡交平越縣界五十里東北至西堰交黃平縣界一百二十里西南至高坪司交平越縣界六十五里西北至羊巖河交遵義縣界一百二十里東西廣一百五十里南北袤一百九十五里距京師七千一百五十里

按縣境至到傅玉書桑梓述聞所載舛謬過半傳為私家著述當時本未採訪平越州志據以定刊則大誤矣

甕安縣志

卷二 疆域

二

貴陽文通書局代印

茲就實地履勘者全為改正庶足以信今而傳後不但增其式廓已也

形勝附

西連甕水南達黃平北距烏江東接東凹

天下鄰國利害書

按東凹似即都凹山此山正在縣東當以亭林為是

九峯疊起三江會流黃金圭峭壁倚雲震天洞金濤翻雪

通志

傅玉書按曰通志所云三江蓋以甕安江入江界河

江界河入烏江故曰會流然甕安江實小不足與烏江並稱而江界河即烏江非雨水也

南接郡境疊嶂西環東距黃平連峯北擁眾水爭流大江

逆折桑梓
述聞

甕安縣志

卷二

疆域

三

貴陽文通書局代印

卷二終

夔安縣志卷三

紀年上

茫茫大地。建都設邑。溯其荒昧之初。雖中州赤縣。莫詳緣起。然書契既造。文化斯開。郡國之產。始於何時。沿革變更。詳於何代。不特陰陽所和之域。風雨所會之區。上有國史。下多著錄。制度文爲。釐然可考。卽山陬海澨。既隸版圖。遂同文軌。詔令之所頒。職方之所掌。朝會之所陳。與夫私家之所記載。蒐羅採輯。其地之建革廢興。要亦有可以按年得其陳跡者。黔省原列梁州。徒以上古之世。文字闕略。自夏殷之衰。淪於夷狄。歷千餘年。至周末造。始有夜郎苴蘭

夔安縣志

卷三 紀年上

貴陽文通書局代印

牂柯之號。從前事實。毫無紀載。後之考者。直同開闢。何況夔邑以叢爾彈丸。廁於其間。侏僂惆恍。昧所從來。更無論矣。唐宋以降。初成酋部。始有典籍。時役屬於播。遂羈縻於蜀。直至明季。改土歸流。縣之治於是乎成。黔之版於是乎定。清時因之。以迄於今。今欲求數千年之歷史。列之簡策。從何可得。然上下古今。見諸載籍。可以考定者。亦自不乏。略者從略。詳所當詳。託始於夏。仿史家編年之例。旁徵博引。取其可據者。按年記述。以昭文明。其不可得者。付之闕如。以求徵信。竝繫之以表。著其原委。庶不貽樸野之譏。亦不類鑿孔之談云爾。

夏

華陽黑水惟梁州 禹貢

「禹貢雖指梁州下」青徐二州殷周迭爲有無獨梁州則二代皆無之其故何也按武王伐紂誓於牧野諸侯會師者稱之曰友邦冢君而庸蜀羌髳微盧彭濮八國則稱曰人不以諸侯待之傳曰八國皆蠻夷戎狄屬文王者正義曰此皆西南夷也通典曰梁州當夏殷之間爲蠻夷之國所謂巴賧彭濮之人由是觀之殷周之世梁地大半變於夷故此州遂廢先儒多言梁并於雍惟賈公彥云雍豫皆兼有梁地而林少穎又云江漢發源梁州而職方爲荊州

夔安縣志

卷三 紀年上

二

貴陽文通書局代印

川則荆亦兼梁地此言尤爲精核蓋殷周之制豫皆以漢水爲界梁州之地自蟠冢以東分屬荊豫而蟠冢以西則雍兼之其地皆爲蠻夷雖並於雍而禹貢梁州之山川無一入職方者大抵如唐宋之羈縻州元明以來之土司簡其政令寬其賦斂以柔擾之使爲不侵不叛之臣而已建州設牧非其所宜故終殷周之世梁不復置也「荊州下」通典所列黔中寧夷涪川播川夜郎義泉溱溪七郡皆梁南徼外蠻夷非古黔中地不在九州之限元和志黔州本漢涪陵縣理至晉永嘉後地沒蠻夷至周保定四年以地置奉州建德三年改黔州大業三年改黔安郡因周隋州

郡之名遂與秦漢黔中地犬牙難辨其秦黔中郡在今辰州西二十里漢改黔中爲武陵郡移理義陵今辰州叙浦縣是後魏移治臨沅今州是今辰錦叙獎溪澧朗施等州實秦黔中地今黔中及夷費思播隔越峻嶺東有沅江及諸溪並合東注洞庭湖西有延江自牂柯北歷播費思黔等州北注岷江以山川言之巴郡之涪陵與黔中故地炳然分矣然則此五州及溱珍二州皆梁南徼外蠻夷今叙瀘重巖之江南諸縣及遵義府是也其東有峻嶺爲限荆不當越此而西斗入六七百里總因黔中名亂嶺東嶺西諸州混而爲一道杜氏遂有此誤〔梁州下〕通典雲南涪

夔安縣志

卷三 紀年上

三

貴陽文通書局代印

陵南州三郡乃梁南徼外蠻夷黔中寧夷涪川播川夜郎義泉溱溪七郡列在荆域者雖附近蜀江之南亦係徼外蠻夷不在九州之限以今輿地言之遵義府永寧衛及東川烏蒙鎮雄二府並在瀘水之外雲南郡即今姚安府其非梁域又不待言矣〔又云〕梁南自宜賓以西至會川諸州縣凡在瀘水馬湖江之北者皆梁域宜賓以東至巫山諸州縣凡在大江之北者皆梁域〔遵義府志〕按語略云胡氏定梁州地域自宜賓上下以金沙馬湖二江爲界其在江北者皆梁州在江南者皆梁南徼外蠻夷今遵義地不入梁州亦不入荆州自是以華陽黑水爲大限以愚見

度之夏禹以前青陽降居江水昌意降居若水巴蜀之地其封建與中州同至殷周之間多變爲夷二代因廢梁州然其間蠻夷君長各守其地如史記西南夷傳所稱某以十數某最大者當不始自秦漢周以來有矣而其中國大莫如蜀自從武王滅紂以後必威日遠境日拓旁近諸國皆受其臣使司馬錯張儀並稱蜀西僻之國戎狄之長可見也華陽國志云蜀地東接於巴南接於越北與秦分西奄峨嶓其言南界接越於古之蜀境精核不易今遵義地在秦以前當蜀之東南鄙何以明之通鑑秦始皇三十三年略取南越地置象郡漢昭帝紀元鳳五年罷象郡分屬

夔安縣志

卷三 紀年上

四

貴陽文通書局代印

鬱林牂柯以山海經沅水出象郡証之今沅江上源在平越都勻鎮遠界內可見今烏江南岸即古之越秦之象郡地漢牂柯所領之十七縣豈是從犍爲割出且蘭無斂即今貴陽都勻平越鎮遠等處必是從象郡分出是終西漢之世次第建置郡乃得十七縣非建郡時通置可知特史於各縣例不詳始設何年故無從考古越之境必不踰烏江而西則蜀地南接於越必即以烏江爲徼今遵義綏陽桐梓仁懷四縣爲蜀舊地無疑矣胡氏斷以珍播七州不入荆梁限以今四川地論之青陽昌意封國廣輪自有定界若巴蜀在殷周之世稱王稱帝以前豈不能越大江之

南有一步地乎斯理勢必不然矣

按禹貢雖指以通典所列黔中寧夷涪川播川夜郎義泉溱溪七郡皆梁南徼外蠻夷不在九州之限大意以黑水爲界遵義府志引而辨之據常氏華陽國志蜀地南接於越而以遵義地在秦以前當蜀之東南鄙取秦始皇漢昭帝罷置象郡事証以山海經沅水出象郡之文以謂沅水上源在平越都勻鎮遠界內三郡從象郡分出其爲古越地無疑遵義從犍爲分出是舊屬於蜀乃梁州地非梁南徼外蠻夷也根據確鑿其後推論謂巴蜀在殷周之世稱王稱帝以前豈不能越大江之南

夔安縣志

卷三 紀年上

五

貴陽文通書局代印

有一步地乎尤爲勢理必然不得以尋常理想目之夔安原附於播爰爲引據惟其謂蜀地南接於越必以烏江爲徼是烏江以北爲梁州地烏江以南仍徼外蠻夷其語猶待商確當考禹貢梁州黑水於至元八年大理勸農官張立道創指爲雲南瀾滄江之後諸家考證多宗之者孫星衍氏更以崑崙之黑水當之別著黑水考以明之梁州南境不特包羅黔省抑且遠括滇疆胡氏著禹貢錐指獨主瀘爲黑水之說力闢諸家遂謂瀘水以外皆徼外蠻夷且直斥其地不在九州之限不知黃帝之時長子青陽降居江水次子昌意降居若水皆在今蜀郡邊

徼青陽昌意皆元妃嫫祖之子青陽及身而有天下是

爲少昊昌意之子顓頊亦有天下使蜀郡緊接蠻夷何至屈冢子天潢降居於此又帝王世紀載顓頊之孫大禹生於石紐長於西羌石紐在今四川汶山縣西羌卽今西藏神明之胄生長於此其地當與中土無殊又山海經載炎帝之妻赤水之子聽訖此赤水非崑崙之赤水卽畢節之赤水何以言之初學記引帝王世紀曰神農崩葬長沙以理推之連嫫之地必相去不遠今畢節縣之赤水源出雲南鎮雄州經赤水衛後改設赤水縣今爲赤水縣東流過仁懷縣至四川之合江縣入於岷江源流千里

夔安縣志

卷三 紀年上

六

貴陽文通書局代印

是亦名川神農策妃於此載籍因記其地當爲事之所
有徼之種種中國在五帝時爲全盛時代治化極隆幅
幘極廣故禹會塗山執玉帛者萬國古之封建每方百
里除去名山大川以此百萬方里置之可以耕食鑿飲
之地是後之僻壤遐陬皆前之文明境域梁州南徼豈
其盡於瀘水後王德薄不能紀遠夏殷之季日銷月鏹
四邊蠻夷任其蠶食至周末造天子威令不行諸侯終
歲內訌伊洛之間且已被髮左衽此亦可謂河南某處
爲豫州徼外蠻夷乎胡氏不溯畫州之始中國是何景
象徒見後日之巴蜀以南淪於獠獍歷代經營有同開

聞遂謂此地原屬野蠻即以瀘水限斷梁州並指定黔中寧夷涪川播川夜郎義泉濠溪七郡不在九州之限斯誠一孔之見矣鄭氏不察亦復以江爲徼特移瀘水而爲烏江僅使遵義一境不爲蠻夷是徒知自拔亦五十步笑百步之類耳安足據哉

附「黑水考」黑水之說諸家各異以雍梁二州同一黑水引水經黑水出張掖難山之文謂張掖燉煌並在河北黑水得越河而入南海者由河自積石以西皆多伏流故黑水得越而過之此焦弱侯所主孔穎達之傳也不知黑水出張掖水經並無此文

說詳胡渭禹貢錙指其說大抵

夔安縣志

卷三 紀年上

七

貴陽文通書局代印

杜撰故難山渺不可尋而崑崙山爲地軸其山根連延起頓包河南接秦隴直達長安爲南山非水道所能越趙一清氏已嘗明之雍州黑水當然不能由是入南海故杜佑河道久堙之說尤無足採以雍梁二州各有一黑水據許氏說文訓瀘爲黑引酈道元說黑水亦曰瀘水卽若江出姚州徼外土番界中並稱山海經黑水之間有若水以證爲梁州黑水者薛季宣及普通諸家之說也

胡渭以金沙江爲瀘水瀘水卽黑水卽主是說

然瀘水上源既近若水按水經若水出蜀郡旄牛徼外東南至故關爲若水南至越雋卽都縣西直南至會無縣淹水東南流注之又東

夔安縣志

卷三 紀年上

八

貴陽文通書局代印

北至犍爲朱提縣西爲瀘江水酈道元注有瀘津東去縣八十里水廣六七百步深數十丈多瘴氣鮮有行者是若水爲正源流至犍爲瀘水入之乃名瀘江水若水又爲黃帝長子昌意降居之地得名甚早禹定州界胡不以華陽若水或華陽瀘水爲梁州而必舍正源而用旁支舍本稱而用別名以待後人訓注以通之乎豈禹之治水於先朝皇子所居之處及水之經絡原委尚不知之乎以雍州梁州及導川爲各有一黑水而確指地理以實之者此蔣廷錫之說也其說較他家似爲翔實然雍州黑水可以大通河當之梁州黑水可以金沙江

當之卽上導川黑水以雲南瀾滄江當之其下文明謂至於三危入於南海禹貢三危又明明列於雍州瀾滄何以能至三危若謂雍州一三危導川又一三危兩地山水何以巧同名稱是皆不能避以矛擊盾之問者也至樊綽以麗江爲黑水麗江至大姚縣卽與金沙江匯而入於江與薛季宣之說無以異程大昌亦以瀾滄爲黑水其說仍與蔣同惟李元陽論三省形勢謂隴則西南斜長入蜀滇則西北斜長近隴蜀則尖長入滇隴之間正如三足幡然黑水之源正在幡頭故雍以黑水爲西界對西河而言也梁以黑水爲南界對華陽而